

ղեցի, և թէ Վասն է՞ր. ասեն նոքա թէ Առանց թէս-
քէրի և հրամանաց մեր պսակ արարեալ ես. զայս
պատճառելով, բայց զըստակն առեալ և նա բազում
որոնելով՝ զնոսա ոչ գտանէ վկայիւք, և ձիգ գոլով
ճանապարհ հարսանեացն՝ պսակէ: Եւ զայս լեալ ե-
րիցանց մեր ուղարկեն առ վարդապետն զայս բան, և
նա ասէ թո՛ղ մտանէ: Այլ և ուղարկեն զինքն ի Ղալ-
ֆան և բազում բանս ասացեալ նորա թէ Ի քեզանէ
է այս ամենայն, և ևս այլ արհամարհանս, և նա ա-
սէ՝ Մո՛ււտ:

Եւ առաւօտուս Շաբաթ (8 Նոյ.) զայ մտանէ յե-
կեղեցի նա, և ելեալ յեկեղեցոյն գան նման շան, և
ի վերայ գիմեալ՝ ոմանք հարկանելով և ոմանք քարշե-
լով, այլք¹⁾ զպողպատս և զփէշս նորա քարշելով թէ
Մտար յեկեղեցի: Եւ սուտ բուխտան եգեալ ի վերայ
թէ Զհրամանս թագաւորին անարգեցեր, Էմիր Շիրի-
նին տանելով զնա ի զատին. և ոչ ոք կայր մերայ-
նոցս անդ, այլ ի միւս եկեղեցիսն էին. և որ իմացեալ
եղեն թէ այս եղև, ելանեն Բ երէցքն մեր, վաղեն
յետնէ նոցա և հասանեն մինչ ի Սուլթան Մէհմէտն,
և արարեալ զնոսա անպատմելի նախատանօք ի մէջ
այլասեռիցն՝ մինչեւ ի յՕտալարպաշին, դառնալով
անտի մինչեւ անդ խօսիւք Ղալֆային. նա եկն եհաս
ի Սուլթան Մէհմէտն և դարձոյց զնոսա. և անդ ևս
յՕտալարպաշին զնոսա խայտառակ արարեալ, որ ա-
մենեքեան զնացեալ իւրաքանչիւր տեղս: Եւ անդի
և մեք ելեալ զնացաք մօտ Ղալֆան և բազում բանս
ասացեալ նորա թէ Ի քեզանէ, զի յորմէ հետէ ոչ զայր
յեկեղեցի՝ ևս նոքա ոչ առնէին բան մի. և Ղալֆան
եկն ի հետս մեր մինչև ի սահմանս տանց մեր: Երե-
կոյիս առեալ երիցունքն մեր զՏէր Աստուածատուրն

1) այլ.